



622

KANTON SARAJEVO

CANTON SARAJEVO

Kantonalna uprava civilne zaštite

Canton administration civil protection

Broj: 22-44-508./17
Sarajevo, 21.03.2017.god

KANTON SARAJEVO

SLUŽBA ZA SKUPŠTINSKE POSLOVE

- Ovdje -

PREDMET: Odgovor na zastupničko pitanje

Zastupnik u Skupštini Kantona Sarajevo Mirsad Pindžo je na radnoj sjednici Skupštine Kantona postavio sljedeće pitanje:

„Tražim od Vlade Kantona Sarajevo da putem resornih ministarstava i drugih resornih kantonalnih organa dostavi sljedeće izvještaje:

- Ukupno ostvareni namjenski prihodi u budžetu Kantona Sarajevo u 2016. godini za vode, šume, poljoprivredno zemljište, zaštitu okoliša, saobraćaja, zaštite i spašavanja, civilne zaštite i dr.
- Raspored namjenskih sredstava Programima, odlukama, zaključcima i dr. Vlade ili nadležnih resornih organa, kome, za koje namjene i iznose po korisnicima i programima,
- Izvještaje o utrošku namjenskih sredstava svih korisnika, nosilaca realizacije programa i projekata pojedinačno,
- Izvještaj nadležnih resornih organa o monitoringu i evaulaciji odobrenih programa i projekata.“

ODGOVOR

1. Ukupno ostvareni prihodi posebne naknade za zaštitu od prirodnih i drugih nesreća u 2016. godini

Odgovor: Kantonalna uprava civilne zaštite Kantona Sarajevo ostvaruje namjenske prihode - u skladu sa Članom 180. Zakona o zaštiti i spašavanju ljudi i materijalnih dobara od prirodnih i drugih nesreća (" Sl.novine FBiH " broj: 29/03, 22/06 i 43/10)

U toku 2016. godine Uprava je po osnovu Zakona o zaštiti i spašavanju ljudi i materijalnih dobara od prirodnih i drugih nesreća (" Sl.novine FBiH " broj: 29/03, 22/06 i 43/10) ostvarila ukupno: **2.275.050,72 KM**. Način korištenja ovih sredstava određen Odlukom o uslovima i načinu korištenja sredstava po osnovu posebne naknade za zaštitu od prirodnih i drugih nesreća ("Sl.novine FBiH" broj: 4/12). Neophodno je istaći da se neutošena sredstva ostvorena u prethodnom periodu u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća (" Sl.novine FBiH " broj: 29/03, 22/06 i 43/10) ne gase istekom kalendarske godine, ona se akumuliraju i prenose u naredni period kao razgraničena sredstva. Shodno naprijed navedenom Uprava je u Budžetu za 2016. godini imala i **3.651.245 KM** razgraničenih namjenskih prihoda iz ranijih godina.

Prema tome namjenska sredstva ostvorena u skladu Zakona o zaštiti i spašavanju ljudi i materijalnih dobara od prirodnih i drugih nesreća (" Sl.novine FBiH " broj: 29/03, 22/06 i 43/10) su iznosila **5.906.245 KM** u 2016. godini (3.651.245 KM - razgraničena i 2.255.000 KM uplate u toku 2016. godine).

2. Pitanje: Izvještaj o utrošku namjenskih sredstava

Odgovor: Kantonalna uprava civilne zaštite u Budžetu za 2016. godinu ukupno je planirala:

Od planiranih sredstava Budžetom za 2016. godinu Uprava je po odobrenju Štaba Civilne zaštite izvršila raspored i utrošila kako slijedi:

1. TEKUĆI IZDACI

1.1 Nabavka materijala - 613400 subanalitika UAF001- Namjenska sredstva

- Planirana sredstva u Budžetu za 2016. godinu 70.000 KM.
- Izvršeno 51.151,44 KM
- Procenat izvršenja 73,07%

Sredstva iskorištena za nabavku čizama za novouposlene vatrogasce i nabavku sitnog materijala za CZ (materijal za opremanje vatrogasnih spavaona), kao i posebnog materijala za potrebe vatrogasnih ispostava.

1.2 Ugovorene i dr. posebne usluge - 613900 subanalitika UAK002 - Namjenska sredstva

- Planirana sredstva u Budžetu za 2016. godinu 25.000 KM.
- Izvršeno 24.878,30 KM
- Procenat izvršenja 99,51%

Sredstva iskorištena za isplatu naknade za članove Kantonalnog štaba civilne zaštite.

2. TEKUĆI TRANSFERI – EKONOMSKI KOD 614000

2.1. Transferi neprofitnim organizacijama 614300

Pružanje materijalne podrške dobrovoljnim vatrogasnim društvima 614300 subanalitika UAN001 - Namjenska sredstva

- Planirana sredstva u Budžetu za 2016. godinu 300.000 KM.
- Izvršeno 300.000 KM
- Procenat izvršenja 100%

Finansijska sredstva su dodijeljena dobrovoljnim vatrogasnim društvima za podršku njihovim aktivnostima na intervencijama gašenja požara i spašavanja na osnovu člana 10. stav (4) Uredbe o organizovanju službi zaštite i spašavanja i jedinica civilne zaštite specijalizovane namjene Kantona Sarajevo („Službene novine Kantona Sarajevo“, broj 30/13), gdje je regulisano plaćanje troškova intervencije iz sredstava posebne naknade za zaštitu i spašavanje koja pripadaju Kantonu. Također je članom 84. stav (1) Zakona o zaštiti od požara i vatrogastvu („Službene novine FBiH“ broj 64/09) predviđeno da kantoni finansiraju rad vatrogasnih društava. Ova stavka je posebno važna jer u profesionalnoj vatrogasnoj jedinici koja je u sastavu naše uprave nedostaje 54 operativna radnika. Sa ovim finansijskim sredstvima mi dobivamo još 300 dobrovoljnih vatrogasaca koji su dopunska snaga vatrogastva i pomažu našoj vatrogasnoj jedinici u većim intervencijama gašenja požara i spašavanju ljudi i materijalnih dobara. Ovakvim našim djelovanjem u našem Kantonu nikad nije proglašavano stanje prirodne nesreće od požara, kao što je slučaj u većini dijelova Bosne i Hercegovine. Sa svim vatrogasnim društvima se potpisuju ugovori u kojima je precizirano za koje namjene se koriste ova sredstva i obaveza da se ista opravdaju do kraja godine.

3. KAPITALNI TRANSFERI – EKONOMSKI KOD 615000

3.1. Sanacija korita rijeka u Kantonu Sarajevo 615200 subanalitika UAU002 - Namjenska sredstva

- Planirana sredstva u Budžetu za 2016. godinu 400.000 KM.
- Izvršeno 291.684,46 KM
- Procenat izvršenja 72,92%

Sredstva su iskorištena na osnovu Programa Ministarstva privrede za sanacije vodotokova u Kantonu Sarajevo koje je odobrila Vlada Kantona Sarajevo i to:

- Sanaciju korita rijeke Zujevine, Večerice i Rakovičkog potoka na području Općine Ilidža u iznosu od 195.724,65 KM;

- Sufinansiranje i realizacija projekta izvođenja radova čišćenja bujičnih vodotoka rijeke Krnjice, Tušiočkog potoka, Crne rijeke, Presjenice i Tovarničkog potoka na području općine Trnovo u iznosu od 95.959,81 KM.

3.2. Sanacija klizišta u Kantonu Sarajevo 615200 subanalitika UAU003- Namjenska sredstva

- Planirana sredstva u Budžetu za 2016. godinu 1.000.000 KM.
- Izvršeno 685.105,61 KM
- Procenat izvršenja 68,51%

Sredstva iskorištena u saradnji i prema prioritetima Zavoda za izgradnju Kantona i to za:

- Sanaciju klizista na području Općine Ilijaš u iznosu od 136.377,88 KM;
- Sanaciju klizišta na području općine Vogošća u iznosu od 293.727,73 KM;
- Sanaciju klizišta na području općine Trnovo u iznosu od 255.000 KM .

3.3. Interventna sredstva, 615200 subanalitika UAU 005-Namjenska sredstva

- Planirana sredstva u Budžetu za 2016. godinu iznose 1.339.428 KM.
- Izvršeno 706.000 KM
- Procenat izvršenja 52,71%

Sredstva po Odluci Štaba civilne zaštite uplaćena su:

- KJP Veterinarska stanica Kantona Sarajevo koja je naša služba za zaštitu i spašavanje u iznosu od 80.000 KM, od čega je 30.000 KM za nabavku kaveza za opasne pse, a 50.000 KM za uklanjanje opasnih, agresivnih i bolesnih pasa;
- KJKP Vodovod i kanalizacija Sarajevo koja je naša služba za zaštitu i spašavanje u iznosu od 250.000 KM od čega je 100.000 KM za sufinansiranje projekta iznajmljivanja bagera za postavljanje vodovodnih cijevi na području Kantona Sarajevo, 100.000 KM za sufinansiranje projekta nabavke opreme za mobilne timove i 50.000 KM za vodosnadbjevanje tj. za otklanjanje kvarova na vodovodnoj mreži
- Našoj službi u KJKP Park koja je naša služba za zaštitu i spašavanje za finansiranje projekta nabavke HTZ-e opreme u iznosu od 50.000 KM;
- Našoj službi u Crvenom križu Kantona Sarajevo koja je naša služba za zaštitu i spašavanje u iznosu od 60.000 KM za nabavku paketa za ugroženo stanovništvo u slučaju proglašenja stanja prirodne i druge nesreće;
- Općini Trnovo za otklanjanje i saniranje posljedica olujnog nevremena na području MZ Delijaš i MZ Šabići u iznosu od 136.000 KM;
- Općini Ilijaš za otklanjanje i saniranje posljedica olujnog nevremena na području MZ Srednje, MZ Gajevi, MZ Ljubina i MZ Crna rijeka u iznosu od 130.000 KM;

4. NABAVKA STALNIH SREDSTAVA – EKONOMSKI KOD 821300

4.1 Nabavka opreme za upravljanje civilne zaštite, 821300 subanalitika UAX 002- Namjenska sredstva

- Planirana sredstva u Budžetu za 2016. godinu iznose 600.000 KM.
- Izvršeno 554.631,64 KM
- Procenat izvršenja 92,44%

Sredstva iskorištena za nabavku radio-komunikacijske i informacijske opreme za potrebe Uprave (sistem veze) u iznosu od 554.391,63 KM i nabavku 3 (tri) štoperice za potrebe Uprave civilne zaštite - vatrogasnih ispostava u iznosu od 240,01 KM.

4.2 Nabavka specijalnog vozila 821300, subanalitika UAX 004-namjenska sredstva

- Planirana sredstva u Budžetu za 2016. godinu iznose 590.000 KM.
- Izvršeno 285.547 KM
- Procenat izvršenja 48,40%

Sredstva iskorištena za nabavku vatrogasnog vozila za našu vatrogasnu jedinicu.

4.3 Nabavka opreme za službe i jedinice , subanalitika UAX 006-Namjenska sredstva

- Planirana sredstva u Budžetu za 2016. godinu iznose 1.300.117 KM.
 - Izvršeno 147.608,73 KM
 - Procenat izvršenja 11,35%
- Sredstva iskorištena za:
- Nabavku snježnog pluga u iznosu od 13.455 KM za potrebe službe za zaštitu od požara koja je formirana u okviru KJP " Sarajevošume ";
 - Nabavku 11 (jedanaest) kreveta za potrebe vatrogasnih ispostava u iznosu od 1.518 KM;
 - Nabavku bijele tehnike u iznosu od 5.045 KM za potrebe vatrogasnih ispostava;
 - Nabavku univerzalne prikolice date na korištenje Gorskoj službi spašavanja Kantona Sarajevo u iznosu od 5.112,90 KM;
 - Nabavku namještaja za potrebe vatrogasnih ispostava Uprave u iznosu od 4.378,79 KM;
 - Nabavku kancelarijskog namještaja za potrebe vatrogasnih ispostava Uprave u iznosu od 4.800,51 KM;
 - Nabavku teretnog motornog vozila nosivosti do 2200 kg za potrebe Veterinarske sranice Kantona Sarajevo u iznosu od 29.089.51 KM;
 - Nabavku 2 mobilna telefona za potrebe Operativnog centra civilne zaštite i Dispečerskog centra vatrogasne jedinice za realizaciju hitnih besplatnih SMS poruka za osobe sa invaliditetom u iznosu od 640,40 KM;
 - Nabavku dva motorna teretna vozila sa otvorenim tovarnim prostorom za potrebe vatrogasne jedinice za gašenje šumskih požara u iznosu 83.568,62 KM.


4.6 Rekonstrukcija i investiciono održavanje, 821600 - Namjenska sredstva

- Planirana sredstva u Budžetu za 2016. godinu iznose 50.000 KM.
 - Izvršeno 5.944,77 KM
 - Procenat izvršenja 11,88 %
- Sredstva iskorištena za rekonstrukciju krova i ugradnju pumpe za sprečavanje poplava u prostorijama Operativnog centra civilne zaštite Kantona Sarajevo.

S poštovanjem,

DIREKTOR

mr. Mustafa Kovač



E-mail: kucz@kucz.ks.gov.ba ; www.ks.gov.ba
tel: + 387 33 201 595 ; + 387 33 443 720 ; fax: + 387 33 560 453
71000 Sarajevo, Hamida Dizdara 1